

天麻防風丸 治一切驚風壯熱痰盛恐怖

僵蚕炒五錢 天麻酒煨 防風 人參各一兩 牛黃一錢

全蝎五錢 辰砂 雄黃各二錢半 炙甘草一兩 射香一錢半

右末煉蜜丸桐子大每三五丸薄荷湯下

金箔鎮心丸 治風痰壅盛發熱心神恍惚急驚搐搦

雄黃 辰砂 天竺黃各一錢 茯苓 膽南星

人參各二錢 山藥一錢半 牛黃 射香各五分 金箔五片

右末煉蜜為丸梧桐子大金箔為衣每服一

丸灯心釣藤薄荷湯下常服定志安心

涼驚丸 治驚疳有熱發搐心神恍惚牙關緊急

目作上視潮熱手足動搖

黃連 龍胆草 釣藤各二錢 牛黃 射香各一字

右細末麵糊丸粟米大每服五七丸至十五

丸次大者三十九金銀薄荷湯下

定心丸 溫驚用此

茯神 白附子 南星炮各三錢 人參 全蝎

僵蚕炒十枚 乳香三字 遠志去心各一錢 右為末牛膽

汁丸梧桐子大每一二丸金銀薄荷湯化下

鎮心丸 治驚常服安心鎮驚

桔梗 山藥 山梔 甘草 各等分為末煉

蜜丸櫻桃大金銀箔為衣每一丸薄苛湯下

利驚丸 治急驚身熱面赤引飲口中氣熱大小

便黃赤

青黛 輕粉各一兩 黑豆生末五錢 天竺黃二錢 右末蜜

丸小荳大一歲一丸薄苛湯下麵糊丸亦可

硃砂膏 驚風痰盛

硃砂 牙硝各二錢 五靈脂 芎藭各一錢半 射香五分

冰片一字 右細末甘草膏丸菜豆大金箔為衣

每一丸薄苛湯下

疎風散 驚風痰熱俱盛

檳榔 陳皮 黑丑 大黃煨

各等分為末每服五七分生蜜少許調下

牛黃涼膈丸 治熱盛涎潮

牙硝 石膏 甘草各五錢 胆星二錢半 牛黃 紫

石英一錢 射香 冰片各五分 寒水石五錢

右為末甘草膏丸菜荳大每一丸陳皮湯下

柴胡加大黃湯 最利痰熱

柴胡兩一 黃芩 人參 半夏 生姜各三錢半 大黃

量虛實用 右為粗末每服一錢加棗子煎服

金星丸 風熱結聚喉內痰鳴喘粗咳嗽兩頰紅

頰頤赤腫咽壅塞目閉不開狂言發熱煩躁

多渴欲作驚風或大便不通小便如血

鬱金 雄黃各一分 輕粉五分 巴霜七粒 南星一個 蝎梢

錢一 右為末醋糊丸麻子大薄苛湯下三九一小九

揭風湯 專利驚熱下痰

青黛 芎藭 全蝎各一分 南星末五錢水調成餅包前三味

熟研末入后藥 硃砂一錢半 輕粉 牙硝各三錢

右俱為細末每服一字薄苛湯下

奇方 鎮驚定搐安神

雄黃 大辰砂各一錢 為細末猪心血拌水調下

溫膽湯 積痰驚悸

半夏 枳實 酸棗仁各一錢半 陳皮 甘草各一錢半

茯苓錢五 右每服三錢竹茹五分姜棗煎服

全蝎散 治驚搐

僵蚕炒三條 全蝎薄苛葉灸七枚 射香少許

右為末石榴皮湯下

和中湯 和胃氣止吐瀉

茯苓 蓮肉各二錢 藿香 天麻 人參 扁莖

炒木香 白朮 甘草各一錢

每服二三錢姜棗煎服

定志丸 驚風已退神志未定

琥珀 茯神 遠志 人參 天麻 甘草

天門冬 白附子 酸棗仁 右末煉蜜丸皂

子大辰砂為衣灯心薄苛湯化下一二丸

酸棗仁散 驚心不寧恐怖恍惚

人參 麥冬各二錢 茯神五錢 粉艸一錢 辰砂五分 射分

遠志 酸棗仁各三錢

右末釣藤湯調下如內釣加木香

防風散 風熱痰壅大便不通

羌活 防風 枳實 川芎 粉草 大黃煨

赤芍各一分 右每服二錢姜棗煎服

青金丹 踈風利痰

芦會 牙硝 青黛各一錢 史君子三枚 硼砂 輕

粉各五分 蝎梢十四個 右末磨香墨拌丸麻子大

每一二丸薄苛湯下

京墨丸 驚積痰熱 楚地王監以此藥而著名大利痰熱疳積

青黛 史君子煨 芦會 京墨 胆星各二錢

輕粉 射香各五分 冰片一字

右為末麵糊丸梧子大每服一丸薄苛湯下

鎮心丸 化痰鎮心治急驚 又一方魚牛黃有胆星

硃砂 龍齒 牛黃各一錢 鉄華粉 琥珀

人參 防風各三錢 全蝎七枚

右末蜜丸梧子大每一丸薄苛湯化下

珍珠丸 急驚熱盛涎潮

滑石飛五錢 白附子一錢 輕粉一錢 巴霜十五粒

右末麵糊丸菜豆大三歲者一丸二丸葱白

湯下 一方有南星全蝎

犀角湯 心驚熱盛

犀角 防風 木通 甘草 桑白皮 茯苓

各等分 右每服三錢水煎服

清心丸 驚熱煩躁

人參 茯苓 防風 柴胡 辰砂各二錢 金箔

片廿右末蜜丸梧子大竹瀝湯磨下一丸

五仙丹 身熱面赤口噤息粗抽搐易作易止

天麻酒浸 全蝎洗去頭足新 白附子 辰砂

珍珠 青礞石煨各三錢 巴霜二十粒 金銀箔各十片

右為末姜三片蜜一匙煎湯調服一字

珍珠天麻丸 治急驚風請量用之以通為度此

方仍治吊腸鎖肚撮口至為妙絕功效無比丸

如麻子大每服一歲五丸二歲十丸隨大小加

減薄苛湯點茶送下 凡治驚風先須截風定

搐次以此劑下之切不可過利 初生患者三

日三丸五日五丸七日七丸加青黛名青黛丸

天南星炮 天麻 白附子炮各一錢 巴霜一臟粉五分

蕪荑炒 全蝎炒 滑石各一錢半 右末水煮麵糊為丸

慢驚

慢驚屬陰為寒為虛多發于大病之後或先有吐

瀉不善調理或尅伐過度損傷脾胃夫脾屬土

主四肢虛則四肢冷手指微動或口角掣動面色青二便利是其候也與急驚大不相同蓋急驚乃初病之症元氣未虛邪氣正盛故抽搐大作症雖急乃有餘之症治可攻擊使二便通利痰降熱散而愈也慢驚乃病後虛弱無氣以言無氣以動無力抽搐元氣大虛故也有似於風俗云慢脾風症雖緩實惡候也治惟溫補使胃氣漸回大便結實其風自定切不可攻擊症雖有痰只以六君子湯加天麻炮姜或烏蝎四

君子湯所重只在保護脾胃上着工夫餘不及孫季子朋來曰慢驚須要審問前症根由按輕重而施治之不可驟稱慢候而遽投大溫大熱之劑又不可不識緩急泛泛然夾雜他藥失時候事如從吐瀉後者即以理中湯治中湯甚者加大附子若水瀉輕者五苓散益黃散朮附湯之類如從急驚漸轉致於慢者全蝎觀音散風邪而得者桂枝湯若面青額汗舌短頭低眼合不開搖頭吐舌俗曰慢

脾風此土極似木之候逐風則無風可逐療驚則無驚可療乃脾間虛痰虛熱往來作祟眼合者係脾虛之極不能展開神志昏迷治之早者十全二三大要只在助胃回陽若眼半合半開手足不冷此雖屬慢驚而陽氣尚未全脫不必用硫黃附子輩只與截風調胃可冷可熱和調陰陽太乙保生丹聚寶丹蟬竭散皆可選用所重只在保脾故所治無失理中湯吐瀉後脾胃虛弱四肢漸冷或面有浮

氣四肢虛腫眼合不開

人參 白朮 甘草 炮姜

水煎服甚者加大附子

治中湯 即前方減炮姜加陳皮

太乙保生丹 治慢驚尚有陽症

防風 全蝎 白附子 僵蚕 胆星

蟬退 琥珀 辰砂 射香 右末粟米

糊為丸梧子大金箔為衣每一丸薄荷湯下

蟬竭散 急未盡而慢將來

全蝎

去毒七枚

蟬退

廿一枚

甘草

錢二分

大南星

炮一枚

右末每服五分姜棗煎服

聚寶丹

初傳慢而未脫陽者

人參

茯神

琥珀

天麻

僵蚕

炒 防風

南星

炮

白附子

生

全蝎

炒

烏蛇肉

酒浸

錢 硃砂

五分射香

字一

右末蜜丸梧子大每丸

一石

菖蒲湯下

神寶既濟丹

分陰陽平冷熱定吐瀉豁痰涎

硫黃

火硝

五靈脂

青皮

陳皮

半夏

炒

右將硫黃火硝用磁罐熔化攪勻冷

定取下全諸藥各等分為末粟米糊為丸

子大每服五丸米飲下

惺惺散

吐瀉後脾弱內虛

人參

茯苓

木香

天麻

扁豆

炒

全蝎

陳米

炒

各等分每服三錢姜棗煎服

大醒脾散

治吐瀉脾困不食

南星

茯苓

橘紅

全蝎

炙

粉草

蓮肉

白附子

人參

木香

陳米

炒

右每服三錢姜棗煎服

醒脾散 吐瀉脾困不思乳食

人參 全蝎 天麻 茯苓 木香 菖蒲

蓮肉 白朮 甘草 白附子

右每服二三錢姜棗煎服

木附湯 風濕相搏身軀煩痛不能轉側不嘔不

渴大便實小便利虛風頭目眩重煖四肢補中

助陽氣止自汗

白朮 四兩 甘草 炙 大附子 炮去皮臍

右每服三錢水姜棗煎服

烏沉湯 驅風助胃治慢驚

天麻 人參 川芎 全蝎 炙 南星 炮 木香

沉香 各一錢 甘草 炙 右每服一錢水姜煎服

星香全蝎散 治慢驚風昏迷痰搐

南星 木香 人參 橘紅 各一錢 全蝎 炙 甘草

各五分 有熱加防風 每二錢紫蘓姜棗煎服

定命飲 慢驚吐瀉困沉欲傳慢脾通用

半夏 茯苓 木香 生姜 末 天麻 各三錢

白朮 甘艸 各一錢 右末姜棗湯調下五分

温白丸 驅風豁痰

人參 防風 白附子 僵蚕 全蝎 各一錢

南星 炮 天麻 各二錢

右末麵糊為丸梧子大每姜湯送下一丸

釣藤散 吐利脾胃氣虛生慢風

釣藤鈎 七錢 蝉退 天麻 防風 蝎尾 人參

各五錢 麻黃 去節 僵蚕 炒 甘草 川芎 各二錢半 射香 少許

右水煎寒多加白附子五分可與後蝉退釣藤飲兼看對症用

蝉退釣藤飲 肚痛驚啼

釣藤 天麻 茯苓 川芎 芍藥 各二錢

甘草 蝉退 各一錢 右加灯心水煎服

礞石散 又名奪命散 大能利痰不問陰陽慢脾風涎潮

壅盛塞於咽間其嚮如潮百藥不能過其咽命在須臾但先用此藥入喉痰即墜下功有萬全起危薦之疾布斡旋之功

青礞石 火硝煨過者 右為極細末若急驚風痰上

壅身熱如火用薄芎自然汁入蜜調微温服

之良久其藥裹痰墜下痰涎與藥雜和稠粘而墜下也次服退風祛熱截驚等藥

又方 以稀糊丸菜豆大每服二丸急風薄荷荊芥湯下慢脾風木香湯磨下

慢驚慢脾虛風亦痰涎潮上塞住咽喉藥石俱不能下用此以青州白丸子再研為末稀糊為丸入熟蜜湯調下其涎即墜入腹次服治慢驚藥其痰立下不動臟腑不傷真氣惟見其藥裹痰而下始知此劑之神

烏錫四君子湯 右即四君子湯加川烏全蝎為末每服五七分姜枣調下再服去川烏

星蘇散 慢脾風口噤不語痰熱及治諸驚風

大南星一枚 為末每服三字姜四片紫蘆五

葉同煎入雄猪胆汁少許溫和服

凡不語者大小便須要調導

慢脾風不語只用南星以人參后苴浦為佐異功散 温中和氣吐瀉不思飲食

即治中湯加木香 姜棗煎服

陰癩散 祛風豁痰回陽正胃

白附子生 黑附子生 南星生 半夏生

各等分剉散井水浸七日逐日換水浸去水

乾入全蝎末錢二同研為末每服分三生姜湯下

至聖保命丹 驚風內釣肚腹堅硬夜多啼哭眼

目上視手足抽掣不省人事

全蝎去毒十枚 防風 胆星 蟬退 僵蚕炒

天麻錢各二 白附子炒 辰砂錢各一 射香分五

右末糯米飲丸芡實大金箔十片為衣每一

丸釣藤灯心湯下 有熱加牛黃冰片礮砂

一方有羌活錢二此藥常服鎮心化痰

夜啼 客忤 軀啼

夜啼者臟寒也陰盛于夜則冷動而痛故夜啼不

休釣藤散主之

又有心熱煩啼必面色赤舌胎小便赤澀釣藤散

去木香當歸加辰砂末木通煎湯調下

客忤者嬰兒神氣脆嫩外邪易而觸之或眼見犬

畜異物耳聽異声或入神庙而見凶惡神像或

入暴喪之家觸而忤之故夜多驚悸睡卧中驚
跳啼哭因晝之所觸而有夜之所感也其候瀉
啼口出青白黃沫面色變易喘急腹痛反側瘈
瘲有似驚癇但目不上竄耳視其口中懸瘻左
右有小之腫核即以竹鍼刺破治惟辟邪散驚
安神為上 凡客忤中惡急作醋炭或焚降香
皂角等薰之速服藊合香丸立甦蓋心藏神神
安則五臟和而愈也

軀啼者兒在胎時母失將養傷於風冷既生之後

冷氣停留復因乳哺不節邪與正搏故腹痛羸
張盛氣而啼也牛黃丸主之冷甚者理中丸之

釣藤散

釣藤 茯神 茯苓 川芎 當歸 木香各一分

甘草五分 右每三錢姜棗煎服

乳頭散 夜啼不止腹中疼痛

黃芪 當歸 甘草 赤芍 木香各一分

右為末每塗少許乳頭上令兒吮之

火花膏 治夜啼臍冷而痛也

燈花

三顆 礪砂

辰砂

各少許

右為末熟蜜調成膏塗乳上令兒吮

蟬退膏

蟬退

二十七枚 去毒

辰砂

少許

右為末煉蜜丸令兒吮

六神散

面青腹疼啼哭口中冷氣四肢冷曲腰而啼大便泄瀉及不吮乳

人參

山藥

白朮

各五錢

甘草

炙二錢

茯苓

扁豆

炒各一兩

右末每服二錢姜棗煎服

又方

當歸

白芍

人參

各二錢半

甘草

桔梗

陳皮

各一錢

每二三錢水煎時服之

雄射散

治客忤腹痛危急

雄黃

一錢

乳香

五分

射字

右末每

一刺

雞冠血調灌

黃土散

治小兒客忤

伏龍肝

蚯蚓糞

各等分

右水調塗兒頭上及五心上為良

龍齒散

治拘哭肚疼驚熱

龍齒

蟬退

鈞藤

羌活

茯苓

人參

天麻

防風

全蝎

各等分

右末灯心湯調下

雄黃散 中惡客忤

雄黃 研水飛細末用桃樹枝煎湯調灌

又方 治全上

蘓合香丸拌雄黃射香末用降真香煎湯

化下立甦

丹毒赤遊風腫

孫仲子素來曰小兒丹毒赤遊風者書謂半周一歲之間不宜頻洗浴恐濕熱之氣鬱蒸不散發為丹毒愚謂此固一說也總由姪母血熱漬流于胎受熱毒蘊于腠理或乳母好食酒麵

煎炙辛熱等物皆能致之發于四肢者易為調治發于頭面胸背令兒煩躁脹悶身如火灼古謂入心者死以其毒劇火盛故也亦有濕熱滯于皮膚搏擊氣血發為丹毒入腹入囊總成凶兆良由包裹失宜復為風邪所襲發為白丹遊腫壯熱增寒鼻塞胸悶息氣喘急咳嗽吐逆種種之緣一受于母之血熱為內因一為頻洗脫着失宜為外因知內外之因明合治之法庶幾有藉手焉

大連翹湯 治胎毒丹毒赤遊 方見潮熱

清上散加升麻 治胎毒丹毒遊赤腫 方見風熱

防已散 丹毒赤遊風入腹入腎防其殺人

漢防已 錢五 朴硝 犀角 黃芩 黃芪 升麻

錢各七 右每服二三錢加竹葉五片煎服

一方無朴硝有澤瀉

葛根白朮散 治一切赤白丹毒

白朮 茯苓 錢各二 木香 甘草 錢各一 赤芍藥

葛根 錢各三 枳殼 錢二 每三錢水煎服

惺弓散 治赤遊腫中氣弱不可服寒涼者

即四君子湯加桔梗 水煎服

冰黃散 赤遊腫毒

朴硝 大黃 錢各一 為末新汲水調敷毒上

白玉散 赤遊丹毒

滑石 寒水石 兩各一 右末醋調塗腫處或遊

至外腎有破損者用水調塗

又方 赤遊丹毒

青黛 并水入蜜調塗無青黛以靛塗之

又方 治赤白丹毒或用寒涼塗之不効者用此良愈

伏龍肝為極細末以熟鷄子黃熬為油調塗

升麻湯 治外因洗浴脫着失宜增寒壯熱丹毒

遊腫并時行熱毒發斑等症

升麻 乾葛 白芍 各三錢 甘草一錢半

每服三四錢水煎服 熱盛加黃芩 咽痛

加桔梗 發斑加玄參

敗毒散 治時行熱毒胃虛冷丹 治噤口痢加

陳倉米一撮 羌活 獨活 前胡 柴胡

人參 茯苓 川芎 甘草 桔梗 枳殼

右每三四錢生姜薄荷煎服

心紅散 治赤遊丹毒

心紅 即水銀昇之銀珠也 用馬齒莧搗汁調塗 乾則以汁潤之極妙

又方 治一切胎毒赤丹

芭蕉根大塊者搗汁塗之乾則再塗畏寒者或

冬月則頰稍溫塗之

口瘡

孫季子朋來曰口瘡或宿稟胎毒或乳母過食燻

灸熱蘊心脾不能發泄而然凡用服藥雖知是
熱亦不可過用寒涼恐上熱未除中寒復生也
惟輕清味薄之劑緩々治之如權衡在手輕重自如

加減瀉黃散 治心脾熱盛口瘡
山梔子一兩 防風一兩 藿香七錢 石膏五錢 連翹 甘草
七錢 升麻三錢 右蜜酒微炒水煎服小便短澀

加滑石木通

青黛散 治鸞口々瘡重聘不能吮乳及治咽喉腫塞

黃連 黃栢各五錢 青黛二錢 牙硝 辰砂各一錢

雄黃 牛黃 蓬砂各五分 冰片少許 右為極細

末先以薄荷汁拭口後搽此末一二分

如搽寒涼藥不効口中一片白漫者此中焦虛
而熱不得下降內服四君子加炮姜萸根外以
熟雞子黃全亂髮熬油用綿纏筋頭蘸油洗之
立能止痛取効

重舌 木舌 腫 弄舌 腫 齦

重舌亦為心脾蘊熱所致蓋脾脉絡于舌底舌為
心苗心脾有熱則血氣沸騰火性炎上如夙潮

之上壅故熱毒附于舌根而肉壅腫疊出短小如舌者是也

着頰裏及上腭而腫者名腫腭

齒斷上腫者為腫斷此二者皆宜針破出血即愈也

木舌者臟腑壅滯挾心脾之熱上衝故令舌尖腫大塞滿口中或僵硬如木不能轉掉不能言語若不急治必致殞命古方用草麻子肉搗研以綿帛取油將帛抄成條點火復吹滅以烟薰之即消

弄舌者脾虛微熱津液不足時舒舌此不可用涼藥宜補中氣使生津液則愈矣

青黛散 治口瘡重舌不能吮乳重腭驚口

方見口瘡

蓬砂散 舌上白胎舌上乾黑

蓬砂為末冰片少許搽之或用生蜜調塗舌上妙

千金方 治重舌

黃栢 用竹瀝浸一宿點舌上

瀉黃散 治心脾熱盛重舌重腭等症 方見口瘡

菜萸膏 心脾熱唇口生瘡重舌木舌等症用此以引其熱下行或兼服連翹飲子仍與金絲膏刷口內舌上立効 吳茱萸 為末米醋調塗脚心更以厚帛貼之繫定

金絲膏 小兒口瘡大効

黃丹 錢一 生蜜 兩一 右和勻深甌盛甌內蒸黑為

度每用少許刷口內

語遲

小兒四五歲不能言者蓋心之聲為言皆由在胎

時其母卒有驚怖內動母之心氣不足則兒之心氣不充故語遲也法當養心菖蒲丸佳

菖蒲丸 石菖蒲 錢二 人參 錢五 麥門冬 丹參

遠志 去心姜汁炒 天門冬 去心 赤石脂 各三錢 直指方有

當歸川芎硃砂 右末煉蜜丸麻子大 每服三十丸

又方 酸棗仁 錢五 遠志 去心甘草三錢湯煮乾 乾山藥 錢五

人參 白茯苓 去心皮各五錢 歸身 錢五 石菖蒲 錢二 丹參

錢三 石斛 去根針上 右末員眼肉煎湯調下 每服一錢

斷乳法

畫眉膏

梳子

三枚 炒 存性

雌黃

辰砂

各少許

右為末入輕粉少許麻油調勻候兒睡濃時塗其兩眉上醒來自然不吃乳未効再塗則効

行遲

內經云足得血而能步設未經跌撲損傷及發驚搐強被束縛者乃下元不足也蓋腎主骨肝主筋下元不足則筋骨痿弱不能行動宜當峻補下元有疝弱而不能行者當從疝治腎氣丸 治下元不足行遲

懷地黄

酒蒸熟 四兩

乾山藥

山茱萸

肉各二兩 茯苓

澤瀉

牡丹皮

去心各一兩半

右末煉蜜丸空心淡鹽湯下五十九

地黄丸

峻補下元

方見顛顛

虎骨丸

脚軟行遲

虎脛骨

好酒 灸

熟地

酸棗仁

酒炒 茯苓

桂心

防風

川芎

牛膝

各等分為末蜜丸麻子

大木瓜湯下三十九

牛膝散

三歲不能行走

五加皮錢六牛膝 木瓜各五錢右末每一酒調下

項軟

項軟者乃督脉虛而筋骨不收斂也督脉係足太陽膀胱經所主古方多從風治以其頭重頸軟頭不得正而墜前墜後也愚謂但補督脉則其氣血充盛自能收持也前虎骨丸地黄丸皆可任之天柱丸 治項風氣起頸軟頭不得正或去前或去后蛇含石醋煨七次一兩川鬱金三錢射香火許搗飯為丸芡實大每一丸荊芥湯化下

五皮散 治項軟

五加皮 為末酒調塗敷頸骨上再酒調服亦

治行遲

滯頤

滯頤者涎自口角流出而滯于頤間也此由脾冷涎多脾虛不能攝其津液泛而溢出漬滯頤間温淫紅赤惟當温脾益黃散温脾散皆治之亦有脾熱者但清其熱則涎自不泛上寒熱二字在人看其面色審其兼症問其二便庶治不偏

溫脾丹 治滯順

半夏 丁香 木香各一兩 姜炮 白木 青皮

陳皮各五錢 右末麵糊丸黍米大一歲九十丸 米湯下

溫脾丹 治全上

半夏 人參 肉果 白木 炮姜 甘草各五錢

丁香一兩 右二三錢水煎服

清脾散 治全上 白木 白滑石飛各五錢 甘草一錢

黃連酒炒二錢 扁豆炒 茯苓各三錢 葛根一錢半 石斛三錢

右末每服一錢灯心湯調下 二十五卷終



國家圖書館, NATIONAL CENTRAL LIBRARY, TAIWAN, ROC

赤水玄珠幼科二十六卷目錄

脫肛門

哮喘門

咳嗽門

吐瀉門

癖門

淋門

遺尿門

外腎光腫門

痢門

瘡門

吃坭 吃生米門

耳門

龜胸龜背門

虫門

疝門

癩門

赤水玄珠幼科二十六卷

新安生生子孫一奎著

脫肛門

脫肛乃腸胃有積滯以致濕熱之氣下沉蘊於肛門而然也法當推逐其積又或貪坐冷地熱為寒凝結為內痔致每登廁肛即脫下此當從痔而治痔消而肛自收也有泄利日久中氣虛而下陷者宜大補中氣兼為升提從推從補從升皆當看症又有肛上生虫者予友黃桂峯丈治

一人肛出百方不應乃以生豬肚子一具刮下垢物用紗囊盛之罨於肛上一夜次早細垂不計其數盡叢於囊垢上肛即收入此亦濕熱之所生也

致新湯 治食積腸胃脫肛不時用此消而推之

木香 分二 檳榔 分五 京三稜 醋煨 山查 枳壳

飛仁 分各七 滑石 分錢五 黃連 吳茱萸製三分 右水

煎食前服 積甚者遇仙丹下之方見

丹石散 治外痔脫肛如神 黃丹 滑石 分

為細末新汲水調塗日三五次愈

澁腸散 久痢大腸脫出不收 訶子肉 煨

赤石脂 龍骨 分各 右末用茶調肛上絹帛

揉入 治痢久不止米飲調服

勝雪膏 翻花等痔熱痛不可忍或已成瘡

冰片 鉛霜 右末好酒研成膏塗上即愈

僧礬散 蜜陀僧 錢二 枯礬 錢一 冰片 許少

為末敷上先用苦參湯或防風荆芥湯洗

苦參湯 脫肛并痔 枳壳 黃連 大黃

甘草 荆芥 苦參 芍藥 黃芩 各等分

右每五七錢加車前子茅草同煎薰洗

凡腸頭作癢多是有虫 用生艾 川棟根煎湯

薰洗

赤石脂散 瀉痢後肛門不收 赤石脂

伏龍肝 等分 為細末敷肛上

蒲黃散 蒲黃 五錢 熬猪脂一兩全拌成膏塗肛

五倍子湯 五倍子 一兩 煎湯入皮硝薰洗

補中益氣湯加防風桔梗水煎食前服

蜘蛛散 大蜘蛛 鹽泥包裹煨存 性為末一錢 鉄銹末 三分

猪胆汁調敷肛妙

又方 鱉頭燒灰敷上

哮喘門

哮喘辯

孫仲子泰來曰哮喘之與喘極須分別疑似之間虛實攸繫非細務也夫哮喘以聲响名喉中痰盛膠塞肺竅氣道寒滯呼吸不暢喉中如水雞之聲故氣高而喘心熱而煩擡其肩擷其項不能屈

體而拾物貼席而伏枕也原其痰火內鬱外被風寒束其皮腠肺氣為之不利皆上壅胸喉斯乃有餘之疾雖多日不食亦不死治惟調氣豁痰解表蓋痰出而聲自寢也顧喘以氣息言喉中無痰氣促不相接續有虛有實仲景云汗出如油喘而不休者死故前人治法有補有瀉是故不可與哮同日而語也

明治哮

哮發之原有三有因驚風之後而得者由治驚不

調氣故痰不盡徹去有感風寒而得者有食鹹酸搶喉而得者然皆不外乎利肺調氣豁痰六字也

麻黃杏子草膏湯

治傷寒發汗後不可更行桂

枝湯汗出而喘無大熱者及下後而喘

麻黃

二兩
去節

杏仁

去皮尖二
十五粒

石膏

四兩

甘草

二兩

右每三四錢水煎服

蘇合香丸

治哮調氣豁痰極効治驚風後而得

者尤佳

大効雄硃化痰九 治因驚後哮喘逆觸心肺氣
急口張虛煩神困

雄黃 硃砂 蟬退 全蝎焙 姜蚕炒 南星

白附子炒各一錢 輕粉五分 右末麵糊為丸麻子

大每服二十九薄荷茶清任下

九寶湯 大人小兒素有喘急遇寒暄不常發則
連綿不已哮喘咳嗽夜不得卧

桑白皮 橘紅 大腹皮 紫蘇 杏仁

薄荷 甘草 麻黃 官桂各五分 姜三片烏

梅一枚水煎服

明治喘

喘之原有六有風寒傷肺而得者有厚味傷脾積
痰上迫於肺之氣為之不利而得者有大病後
被剋伐太過傷其脾胃而中氣虛弱者有火逼
肺金之為火侮而氣不得下降者有水腫之疾
水溢迫肺而喘者有破躰太早腎未完固而洩
其真陰以致腎虛不能納氣歸原者故治法有
踈風解表有清火保肺有清中化痰有利水滲

濕有峻補腎元有單補中氣較之於哮大不相
侔茲特揭而明之俾認証循方不啻駕輕車就
熟徑即夜行亦無顛躓之慮也矣

九寶湯 風寒哮喘咳嗽不能伏枕 方見哮

黃芩半夏湯 寒包熱哮喘咳嗽

半夏 枳壳 酒苓 桔梗 紫蘇 麻黃

杏仁 甘草 右姜枣水煎服 天寒加桂枝

桑白皮湯 肺氣有餘火炎痰盛作喘

桑白皮 半夏 蘇子 杏仁 貝母 山梔

黃芩 黃連 右姜水煎服

定喘湯 諸喘久不愈

白菓 廿一枚去壳切炒 款冬花 桑白皮 蜜炒 麻黃

法製半夏 各三錢 蘇子 二錢 杏仁 酒苓 各一錢半

水煎作二次服

生脉湯 肺氣大虛氣促上喘汗出而息不續命

在須臾 麥門冬 去心五錢 人參 三錢 五味子 三十粒

水煎服

星半瓜蒌丸 清中化痰

南星 半夏 瓜蒌仁 香附子 橘紅

蘿蔔子炒 杏仁 皂角灰 右末神麩糊丸

梧子大每服二三十丸姜湯下

又方 治食積痰喘壅滯不利

半夏製姜 瓜蒌仁 山查 神麩 海石

蘿蔔子 青黛 右末用瓜蒌穰搗為丸竹瀝

生姜湯下每服三十丸

參朮調中湯 補中清熱定喘除嗽

人參 白朮各五分 素白皮蜜炒 炙甘草各三分

麥門冬 陳皮 茯苓各一錢 青皮三分 五味子

二十粒 水煎服

雙玉丸 治胃火刑肺氣高而喘每至夏月必一

發者 軟石膏 寒水石各煨姜汁 右等分為

細末用甘草煎濃膏為丸荒荳大每夜白湯或

淡姜湯送下一錢

神秘湯 水氣作喘

橘紅 桔梗 紫蘇各五分 人參三分 五味子

七粒 素白皮一錢 半夏七分 枳榔五分 炙甘草二分



姜三片水煎服

椒目散 水泛於肺、得水而浮故喘不得卧

川椒目 沉水者略炒為末每一錢姜湯調下

葶藶大棗瀉肺湯 上氣喘急身與面目俱浮鼻

塞聲重不聞香臭胸滿脹滿將成肺癰

葶藶炒研末彈子大一丸 大棗十枚去核 水二盞先煎大

棗至一盞去棗入葶藶煎八分食後服 先服

仲景小青龍湯二帖再服此

八味丸 治下元真氣不足腎虛不能納氣歸原

而喘 懷熟地四錢 山藥 山茱萸肉各一錢

茯苓 澤瀉各一錢五分 大附子童便制 桂心各五分

右蜜丸赤豈大每服二三十九丸白湯下

加減八味丸 治全上 即前方去大附子加五

味子

人參胡菹湯 治下元不足喘不得卧

人參一錢五分 胡菹肉三枚 姜一片水煎服

杏仁煎 治喘嗽 杏仁去皮尖炒 胡菹肉去皮

等分研為膏加煉蜜丸彈子大臨卧嚼下

一方 胡荽肉三枚 姜三片 臨卧嚼吃 飲湯三四

口丹 嚼丹飲止嗽化痰

千縉湯 治痰飲喘急不能卧人扶而坐 一服即安

半夏泡七筒 炙甘草 皂角各一寸 生姜一片 水

煎服

治哮喘欲成 龜胸龜背者

甜葶藶四兩 五味子一兩 紫蘇子一兩 杏仁一兩

桑白皮蜜炒二兩 右蜜丸黍米大每三五十九淡

豆豉湯下 銅壁山人加靈三分神効

咳嗽門

有傷風嗽有傷乳食嗽有痰嗽有火嗽有虛嗽

風者鼻塞或流清涕 乳食者胸腹飽悶發熱

日輕夜重 痰者一咳便有痰喉中常有痰聲

火者發熱面赤小水短澀 虛者呼吸力微

大小便利躄倦而面色青白

三拗湯 治感冒風邪鼻塞聲重語音不出頭痛

目眩四肢拘倦咳嗽多痰胸滿氣短 麻黃

杏仁皮不去 甘草 姜葱白煎溫服取汁 有

熱加前胡 有痰加半夏

華蓋散 肺感寒邪咳嗽上氣胸滿煩悶項背拘

急聲重鼻塞頭目昏眩痰氣不利

麻黃去節 蘇子炒 桑白皮蜜炒 杏仁 茯苓

陳皮各五錢 甘草二錢 右每三五錢水煎服

金佛草散 治傷風頭目昏痛往來寒熱肢疼煩

悶痰涎不利咳嗽喘涕唾稠粘壯熱惡風

金佛草 荊芥各一兩半 前胡 麻黃去節各一兩

甘草五錢 赤芍藥 半夏各七錢 每三錢姜煮

煎服 嗽甚加杏仁五味子

茯苓厚朴湯 治傷乳食停痰咳嗽或吐白沫氣

喘 白茯苓 半夏各一錢半 厚朴制五分 甘草二分

姜三片煎服

白餅子 傷乳食停痰咳嗽氣粗喘急及冷痰腹

痛 滑石 輕粉 半夏 南星各一錢 巴豆

十四粒去壳水煮熟 右研勻巴豆後入糯米飯搗為丸

荒葶大捏作餅子三歲已上三五餅已下一二

餅煎葱湯下 傷食麥芽湯下

新傷乳食咳嗽用二陳湯加蘿蔔子杏仁枳壳麥芽山查厚朴之類服之食消而嗽自止

瀉白散 化痰止咳下氣進食瀉肺火

素白皮炒蜜 地骨皮各一兩 甘草二錢 每三錢

加粳米煎服

雙玉丸 胃火食積痰火面赤氣粗喘嗽方見喘門

清化丸 火刑肺金咳嗽喘急 貝母 知母各二兩

巴豆二十粒 全炒去巴豆只用二母為末煉蜜

為丸荒荳大每服一二十九白湯下

久嗽脾肺之氣不足用前諸劑不効者以六君子

湯加改仁素白皮五味子服之即安

夏月咳嗽多汗喘咳無力生脉湯佳

雄黃丸 治癖積痰嗽嘔吐 雄黃五錢 半夏

神麩 白麩各一兩 巴霜四十九粒另研 右末滴水

為丸荒荳大用米糠拌炒赤色每服七丸加至

十丸嘔吐姜湯下痰嗽壅菜汁下

咳久連聲不已口鼻出血者茅根湯主之

陳皮去白 半夏麩 茯苓 甘草 天門冬

片苓 梔仁 貝母 知母 石膏 生地
杏仁 桔梗 瓜蒌根 水煎臨服加茅根汁
一小酒盞全服

吐瀉門

小兒吐瀉不異大人當於大人門擇治故不再論
茲採數方以備不時之急但審諦寒熱躰認傷
積証明則百投百效矣

凡吐乳直出而不停留者古謂之覘乳但以炒麥
芽三錢橘紅一錢丁香三分水煎服之立止

凡霍亂吐不止者用蘆稷米炒黃煎湯飲之立止
又方 白扁荳嫩苗煎湯飲之立止如無嫩苗時
月即用白扁荳炒過煎湯與之亦安

二香散 止吐如神 真藿香二錢 丁香一錢

白滑石五錢 右為末每服五七分米飲下

凡冷吐者乳不消化多吐而少出面白眼慢神昏
額上汗出急宜溫中理中湯參香散若將傳慢
脾者可用金蠋觀音散

參香散 治寒吐胃虛投諸劑不効者

人參 沉香 丁香 藿香 木香 各等分

為末每三五分米飲調下

全蠲 觀音散 治吐瀉截風定志庶免傳變慢驚

黃耆 炙 人參 各二錢半 木香 炙甘草 蓮肉

扁豆 炒 茯苓 白芷 全蠲 羌活 防風

天麻 各二錢 右每服三五錢姜枣煎服

六神湯 脾胃虛吐瀉不進飲食

黃耆 扁豆 人參 白朮 茯苓 炙甘草

藿香 各等分 每三四錢姜枣煎服

藿香散 治冷吐瀉臟腑不調瀉下青黃黑白色

或如雞子清或腹疼微熱

橘紅 藿香 枳壳 厚朴 製 炙甘草

右為末每服一錢米飲下 治瀉寒湯下

凡熱吐者面赤氣粗唇紅吐出之勢射而遠乳已

化色黃小水短少二陳湯加姜汁炒黃連黃芩

枇杷葉

濟生竹茹湯 治熱吐口渴煩躁

橘紅 乾葛 甘草 麥門冬 竹茹 生姜

右水煎服 熱甚者加姜連

益元散 治熱吐而赤氣粗小水短少 傷暑作

吐尤佳 滑石錢六 甘草錢一 為末姜汁調灯

心湯下吐甚者井花水下

凡食傷而吐者吐出之物有餒餒氣眼胞浮面色

黃足冷肚熱日輕夜重麦芽枳實青皮枳榔厚

朴陳皮之類消而降之

治瀉之劑

凡冷瀉者面色青白小水清腸鳴漉漉之腹中作疼

口不渴益黃散理中湯挾風邪者藿香正氣散

挾暑氣者六和湯

胃苓湯 治冷瀉小水不利

蒼朮 厚朴姜汁炒 陳皮 炙甘草 白朮

茯苓 猪苓 澤瀉 桂皮 姜三片水煎服

凡熱瀉者面赤唇紅小水短少口乾六一散燈心

湯調下立止

清六益元湯 治熱瀉小水短少口乾

白朮炒 滑石 炙甘草 黃連酒炒 麦芽炒

水煎服

四苓湯 治熱瀉小水短少腹中作疼

白朮

炒

赤茯苓

澤瀉

猪苓白芍藥

酒炒

酒苓 酒連 水煎服

凡食傷而瀉者腹中或疼或脹暖氣如敗卵詳其所傷以對証之劑消而磨之如傷乳食以麦芽糯米食以酒麩肉以山查豆腐以蘿蔔子豉粉以杏仁諸菓子以射香肉桂傷魚以橄欖每於理脾中倍加所以之藥為君則效也凡諸內傷

初未下藪之時只宜吐之如瓜蒂散或蘿蔔子搗滾水取汁多飲之即吐若食已下藪入胃則不可吐以香橘餅之類消之若腹中飽硬日數已久而痛在臍腹則宜備急丸等下之然後調補瀉始止也若補之太早恐食積不消久而變為痢疾或為脾洩或為痞滿皆由執衡者失先後次第之宜盲對証之劑之所致也又投已上諸劑不止者乃重瀉也當從痲治

瓜蒂散

治食傷胸藪脹疼兀々欲吐煩悶不安

瓜蒂三枚 赤小豆一錢 為末白湯調下五七分

少刻用鵝翎於喉中探之即吐

香橘餅 食積瀉冷瀉腹中脹疼

丁香 青皮 陳皮各二錢半 厚朴 神麩炒

麥芽各五錢 右為末煉蜜為餅紫蘇湯下米

飲亦可

消積丸 吐瀉大便酸臭

丁香九粒 砂仁十二粒 巴豆二粒 烏梅肉二粒

右為末麵糊為丸菴苳大溫水送下一二丸

保安丸 傷食瀉

香附子炒 砂仁炒各一兩 白姜煨 青皮炒

陳皮 京三稜 蓬朮俱醃 炙甘草各五錢

右為末麥芽麵糊為丸菴苳大每一二十九姜湯下

夏月作瀉或傷暑吐瀉以六和湯治之名六和者以其能和六腑也

六和湯 治吐瀉霍亂

砂仁 半夏 杏仁 人參 炙甘草各一兩

赤茯苓 藿香 扁豆炒 木瓜各二兩 每三
五錢姜枣煎服

香橘膏 治吐瀉

砂仁二錢 白苳仁一錢 蓮肉 山藥 木香

青皮炒各五錢 陳皮 厚朴制各一兩 麦芽炒

神麩炒各二兩 右為末蜜丸雞豆大每服一九吐

用紫蘇湯下瀉荆芥湯下

保安四聖餅 治吐瀉驚癇吐瀉日久恐傳慢驚

人參 白朮 茯苓各一兩 炙甘草 南星炮

白附子各五錢 代赭石煨醋淬一兩 蛇含石煨三錢

右為末端陽日棕搗為餅計重一錢每服一餅

吐姜湯 瀉米飲 驚薄荷 癇米泔水下

芫蕞散 腹痛腸胃虛冷滑洩不禁

肉苳蕞一枚剉一小孔入乳香一塊濕麩包裹

煨熟為末每服三五分米飲下

睡驚太乙丹 治瀉後糞青鎮驚安神止夜啼

白朮 茯苓 桔梗炒一兩 藿香五錢 川芎

白芷各三錢 扁豆炒五錢 白芍藥酒炒五錢 右為

末煉蜜為丸櫻桃大辰砂射香為衣每服半丸
薄荷湯或棗湯化下 夜啼燈心釣藤湯化下

癖門

癖者血膜包水癖於脇傍時時作痛也惟癖能發
潮熱能生寒熱故癩家中腕多蓄黃水日久而
後成癖此蓋小兒臟腑不和營衛不暢津液不
得流通冷氣搏之則結聚而成癖矣進食丸消
食丸可選而用之甚者白餅子下之治之不早
恐成癖積羸瘦肚脹則難治也

取癖丸 治腹脇痞結氣滿不得宣通

甘遂

微炒

芫花

炒

黑丑

半炒半

研末

辣桂

蓬朮

青皮

木香

莖仁

去皮炒

五靈脂

各錢

巴霜 右為末飛麵糊為丸麻子大每服一二
丸姜蜜煎湯灌下泄後用冷粥補之

燒丹丸 乳癖食癖午後寒熱咳嗽脇下結硬

玄精石

煨赤

輕粉

各一兩

粉霜

硼砂

各五分

右為末入寒食麩一錢水和成餅外用濕麵
包裹慢火煨黃色取出去麩將藥再研為細末

滴水為丸米粒大一歲五九二歲十九夜卧白湯送下至天明取下惡物如不下漸加丸數如妳癖未消尽隔三兩日再一服以癖消尽為度紫丸子 嬰兒乳食失節宿食不化胸腹痞滿嘔吐惡心便利不調乳食減少不消内挾冷痰大便酸臭或变蒸發熱多日不解因食成癩先寒後熱

代赭石 醋煨

赤石脂 煨各一兩

杏仁 去皮尖麩皮炒五十個

巴霜 炒一錢

右為末 餗餅丸如黍米大月外兒

只服一丸米飲下微利即瘥

千金方云此方之妙無所不治雖為下藥並不虛人

七聖丸 能令黃瘦子頓作化生兒

三稜 莪朮 芫花 各醋浸同炒 青皮 橘紅

川練子 去皮 杏仁 去皮 右為末醋糊為丸

黍米大食遠白湯服日間所食之食物盡行消化永無積滯

消積丸 消積聚寬腹脹退面腫進飲食化滯物

木香

人參

各一錢半

黃連

炒

莪朮

醋煨各三錢

橘紅

青皮

炒

枳榔

二枝

右為末麵糊為丸

黍米大食後米飲下

萬金丸

磨積塊去黃胖神効

平胃散

加夜明沙

畧炒

針砂

醋淬炒

皂礬

醋煮乾煨

紅各等分

為末紅朮肉為丸荒荳大空心米飲下

忌一切血及蕎麥麵

靈仙丸

消一切癖

歲靈仙為末煉蜜丸彈子大紅絹袋盛藥一丸

用精猪肉四兩煮極爛去藥聽喫其積化從大

便而下以知為度

搗癖散

治癖立効

海蛤粉

黃丹

硫黃

各等分

初伏日修合為

細末用好米醋調成膏於新烏盆中晒乾為細

末一歲兒服一分空心米飲調下取下癖積如

藍汁為驗

鱉甲猪肚丸

小兒痞積發熱

柴胡

一兩

黃連

鱉甲

醋炙各七錢

枳實

炒

木香

青皮 各五錢

青蒿 七錢

右為末入猪肚內蒸極

爛同搗為丸梧子大每服二十九人參湯送下

赤茯苓 六錢

赤芍藥

山梔子 各三錢

當歸

甘草 各五錢

每五錢燈心煎服

導赤散 血淋

生乾地黄

木通 各二錢

黃芩

甘草 生各一錢

右為末每服一錢井水入燈心煎湯服仍以米

飲調油髮灰空心灌下

車前子散 小便不利

茯苓

猪苓

香薷

車前子

人參 各一分

右為末每服五錢燈心湯下

金砂益元散 小便淋瀝不通

鬱金

海金砂

滑石

甘草 各一分

右為末

每服三錢木通燈心煎湯下或冬瓜仁湯亦可

茯苓散 治白尿

京三稜

蓬朮 各一錢

砂仁

赤茯苓

各半兩

青皮

陳皮 滑石

炙甘草

右為末每服一錢燈

心煎湯調下

三稜散

小兒尿白久而成疝此藥實脾土消食

化積

三稜

蓬朮

益智仁

甘草

神麩

麦芽

陳皮

錢各五

右水煎服痰嗽加製半夏口腥氣

加鹽調理諸痰加枣子

淋門

淋淋瀝也尿澁澀滯小便點滴而出艰澀而疼頻而數起也由熱結膀胱不能滲洩下焦之氣壅滯而然其血淋者執自小腸而來小腸與心為

表裏心主血熱則妄行滲於膀胱而致之也

小兒尿出少頃如米泔狀者由乳哺失節傷於

脾胃以致清白不分久則成疝而濁也尿初出

時微赤良久變白乃熱疝之邪初出黃白良久

變米泔者乃冷疝之候也冷者益黃散主之熱

者牛黃丸冷而復挾熱者大蘆薈丸純白濁者

厚朴丸諸失津液欲成疝而小便白濁者茯苓

散

葵子散

小兒諸淋